

Уммон Султонлиги делегацияси Имом Бухорий мажмуасини зиёрат қилди



11:57 / 15.04.2024 1511

Юртимизда меҳмон бўлиб турган Уммон Султонлиги ташқи ишлар вазири Бадр бин Хамад ал-Бусаиди бошчилигидаги делегация Самарқандга келди.

Уммон Султонлиги ташқи ишлар вазири дастлаб буюк муҳаддис Имом Бухорий мажмуасини зиёрат қилди. Бу ерда амалга оширилаётган улкан бунёдкорлик ишларига юксак баҳо берди.

Меҳмонлар Имом Бухорий халқаро илмий-тадқиқот маркази фаолияти билан танишди. Меҳмонларга марказда буюк муҳаддис ва алломалар меросини ўрганиш бўйича олиб борилаётган илмий-тадқиқот ишлари тўғрисида маълумот берилди.

Делегация аъзолари Регистон майдонидаги улуғвор мадрасалар, бу ерда намоиш этилган миллий ҳунармандлик маҳсулотлари ва хаттотлик санъати намуналарини катта қизиқиш билан томоша қилди.

«Самарқандга илк ташрифимиз таассуротларга бой бўлди», деди Уммон Султонлиги ташқи ишлар вазири Бадр бин Хамад ал-Бусаиди. – Айниқса, улуғ муҳаддис Имом Бухорий қабрини зиёрат қилиш биз учун улкан шараф. Ушбу мажмуа яқин орада Ислом оламининг энг қутлуғ зиёратгоҳларидан бирига айланиши, шубҳасиз.